








Di chransmishan a di
Kansomshan
kud avid:

-  Komplai wid di chriitment dieli.
-  Yuuz maas wat kova dem nuoz an mowt.
-  Kiip in wan plies weh plenti fresh ier kud kom iin.
-  Noh spitop an di grong.
-  Kova op dem mout wen dem kaaf ar sniiz.
-  Wash dem han dem wid suop an waata.



Faals stuori an riyaliti bowt
kansomshan

FAALS STUORI	RIYALITI
Kansomshan paas bai hogin kisin ar huolin di porsn han wat gat di siknis.	Kansomshan noh paas bai hogin kisin ar huolin di porsn han wat gat di siknis.
Di porsn wat gat kansomshan bizniz fa stie apaart fram dem famali an dem fren dem.	Di porsn wat gat kansomshan noh bizniz fa stie apaart. Di famali sopuort arganizieshan dem an di fren dem help fa mek di porsn finish dem chriitment.
Di porsn wat gat kansomshan bizniz fa wash dem pliet dem wid kluoroks ar iit in deskartaable pliet.	Dem noh niid fa wash dem pliet wid kluoroks niida yuuz deskartaable pliet. Dem ongl gat tu wash dem wiod suop an waata laik di res a dishiz wat di res a famali dem yuuz.
Di kansomshan piipl dem kluoz fulop a di jormz das wai dem bizniz fa wash apaart bai demself.	Di kansomshan jormz noh stie stikop aan di kluoz soh ih noh paas bai dah kaina wie. Dem noh niid fa bonop niida wash apaart.
Wan pregnant uman no bizniz fa tek chriitment fa kansomshan.	Wan pregnant uman bizniz fa fala op wid di kansomshan chriitment akaardn tu di ruul. Bai noh tekin di chriitment wen dem sik wid kansomshan put di mama an di biebi helt in wan biga ris.




Kansomshan...
kyuor wid di chriitment




Kansomshan iz nat juok...
Ih kyuor wid di **chriitment**






Kansomshan... a kyuorabl siknis





Kansomshan iz wan siknis weh projuuz bai jormz, wat dem nuo az basiilo de koch, wat kud priven tan kyuor if dem komplai wid aal a di chriitment dem.




Kansomshan sintom dem

-  Kaaf weh laas fa muor an 14 diez..
-  • Fiiva an swetn in di nait taim.
-  Faalta a apitait..
-  Laas a wiet.
-  Tayadnis an jruupinis.



Dayabiittis






VIH

TB






How kansomshan paas?

-  Bai di spit wen di porsn weh gat di kansomshan kaaf, sniiz ar spit.
-  Wen a helti porsn inhiel di likl jrap a spit weh kom owta di sik porsn.
-  Di piipl dem weh gat VIH (siida) ar dayabiittis iz di wan dem wat muo ekspuoz fa get di kansomshan bikaa dem difens don wiik aredi.

Muor an 14 diez wid kaaf

Di porsn weh gat kaaf fa muor dan 14 diez, mos goh imiidyetli tu di helt senta ar sanidad bikaa ih kud bii kansomshan.

Identifayin di siknis in di rait taim pormit yuh fa:

-  Ditek di siknis suun in taim.
-  Avid fram paasin di kansomshan tu nada piipl.
-  Staat owt wid di chriitment in taim fa di siknis noh advance

Rijuus Schrikli Suparvaiz Chriitment (TAES)

If di kansomshan get ditek in di rait taim ih kud get chriit fa it an get kyuor.

Di Helt Minischri provid di porsn wid aal a di chriitment frii a chaarj.

Di workaz ar helt promuotaz dem iz di wan dem wat in chaarj a di Rijuus Schrikli Suparvaiz Chriitment (TAES) an gi di piipl dem chriitment evridie porsnali fa mek shuor seh dat di porsn tek dem chriitment evridie an in di karek wie.

